

REGLUGERÐ FRAMKVÆMDASTJÓRNARINNAR (EB) nr. 181/2006

2011/EES/59/21

frá 1. febrúar 2006

um framkvæmd reglugerðar (EB) nr. 1774/2002 að því er varðar lífrænan áburð og jarðvegsbæti, annan en húsdýraáburð, og um breytingu á þeirri reglugerð (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 1774/2002 frá 3. október 2002 um heilbrigðisreglur um aukaafurðir úr dýrum sem ekki eru ætlaðar til mannelis⁽¹⁾, einkum 20. gr.(2. mgr.), 22. gr. (2. mgr.) og 32. gr. (2. mgr.),

og að teknu tilliti til eftirfarandi:

- 1) Í reglugerð (EB) nr. 1774/2002 er lagt bann við notkun lífræns áburðar eða jarðvegsbætis, annars en húsdýraáburðar, á beitiland. Þetta bann er í samræmi við núgildandi fôðurbann ESB og er ætlað að koma í veg fyrir áhættu af völdum hugsanlegrar mengunar frá beitilandi þar sem efni í 2. og 3. flokki kann að vera fyrir hendi. Slík áhætta getur stafað af beit húsdýra eða fôðrun þeirra á grasi sem vothegi eða heyi. Í þeirri reglugerð er kveðið á um að gera skuli ráðstafanir, þ.m.t. eftirlitsráðstafanir, að höfðu samráði við viðkomandi vísindanefnd.
- 2) Allmargar vísindanefndir hafa gefið út fjölmörg vísindaálit sem varða notkun lífræns áburðar og jarðvegsbætis á land. Þar á meðal má í fyrsta lagi nefna álit vísindastýrifyrirlitsráðsins frá 24. og 25. september 1998 um öryggi lífræns áburðar sem unninn er úr spendýrum, í öðru lagi álit vísindanefndarinnar um eiturhrif, eiturhrif í umhverfinu og umhverfið frá 24. apríl 2005 um mat á meðhöndlun á eðju til að fækka sjúkdómsvöldum, í þriðja lagi álit vísindastýri-nefndarinnar frá 10. og 11. maí 2001 um öryggi lífræns áburðar sem unninn er úr efni úr jörturdýrum og í fjórða lagi álit vísindanefndar Fæðustaðlástofnunar Evrópu um líffræðilegar hættur frá 3. mars 2004 að því er varðar öryggi gagnvart líffræðilegri áhættu, þ.m.t. smitandi heilahrönnun, við notkun lífræns áburðar og jarðvegsbætis á beitiland.

- 3) Í þessum vísindalegu álitum er mælt með því að ekki skuli nota dýravef, sem líklegt er að innihaldi smitvalda smitandi heilahrönnunar, í lífrænan áburð og jarðvegsbæti til notkunar á landi sem nautgripir geta haft aðgang að. Nota má önnur efni við framleiðslu lífræns áburðar og jarðvegsbætis með ákveðnum heilbrigðisskilyrðum, sem fela í sér hitun og að efni séu af öruggum uppruna (safe sourcing) til að draga enn frekar úr hugsanlegri áhættu.
- 4) Í ljósi þessara vísindalegu álita skal mæla fyrir um framkvæmdareglur, þ.m.t. eftirlitsráðstafanir, um notkun lífræns áburðar og jarðvegsbætis á land og einnig um notkun meltunarleifa og moltu.
- 5) Þær framkvæmdarráðstafanir, sem kveðið er á um í þessari reglugerð, skulu ekki hafa áhrif á bráðabirgðaráðstafanir sem nú eru í gildi samkvæmt reglugerð (EB) nr. 1774/2002.
- 6) Það skal vera unnt að setja á markað og flytja út lífrænan áburð og jarðvegsbæti, að því tilskildu að skilyrðin, sem kveðið er á um í þessari reglugerð, séu uppfyllt.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Efni og gildissvið

1. Þessi reglugerð skal ekki hafa áhrif á bráðabirgðaráðstafanir sem eru samþykktar í samræmi við reglugerð (EB) nr. 1774/2002.
2. Aðildarríkjunum er heimilt að beita strangari eigin reglum en þeim sem kveðið er á um í þessari reglugerð, að því er varðar notkun lífræns áburðar og jarðvegsbætis á yfirráðasvæði þeirra, ef slíkar reglur eru réttlætlanlegar á grundvelli heilbrigðis dýra eða lýðheilsu.

(*) Þessi EB-gerð birtist í Stjtið. ESB L 29, 2.2.2006, bls. 31. Hennar var getið í ákvörðun sameiginlegu EES-nefndarinnar nr. 136/2007 frá 26. október 2007 um breytingu á I. viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 19, 10.4.2008, p. 55.

(¹) Stjtið. EB L 273, 10.10.2002, bls. 1. Reglugerðinni var síðast breytt með reglugerð (EB) nr. 416/2005 (Stjtið. ESB L 66, 12.3.2005, bls. 10).

2. gr.

Breyting

Í stað 39. liðar í I. viðauka við reglugerð (EB) nr. 1774/2002 komi eftirfarandi:

„39. „beitiland“: land sem er vaxið grasi eða öðrum beitarjurtum, sem alidýrum er beitt á eða sem eru notaðar í föður handa alidýrum, að undanskildu landi þar sem lífrænn áburður eða jarðvegsbætur hefur verið notaður í samræmi við reglugerð framkvæmdastjórnarinnar (EB) nr. 181/2006^(*),

(*) Stjtið. ESB L 29, 2.2.2006, bls. 31.“

3. gr.

Kröfur er varða lífrænan áburð og jarðvegsbæti

Lífrænan áburð og jarðvegsbæti skal eingöngu framleiða úr efni í 2. og 3. flokki.

4. gr.

Varnir gegn sjúkdómsvöldum og pökkun og merkingar

Lífrænn áburður og jarðvegsbætur skulu uppfylla kröfurnar, sem varða varnir gegn sjúkdómsvöldum og pökkun og merkingu, sem kveðið er á um í I. og II. hluta viðaukans.

5. gr.

Flutningar

Flytja skal lífrænan áburð og jarðvegsbæti í samræmi við kröfurnar sem settar eru fram í III. hluta viðaukans.

6. gr.

Notkun og sérstakar takmarkanir á beit

1. Sérstakar takmarkanir á beit, sem koma fram í IV. hluta viðaukans, gilda ef lífrænn áburður og jarðvegsbætur eru notaðir á land.

2. Unnar afurðir sem falla til við vinnslu aukaafurða úr dýrum í vinnslustöð, í samræmi við reglugerð (EB) nr. 1774/2002, skal ekki nota sem slíkar beint á land sem alidýr geta haft aðgang að.

7. gr.

Skrár

Sá sem ber ábyrgð á landi þar sem lífrænn áburður og jarðvegsbætur eru notaðir og sem alidýr hafa aðgang að skal halda skrár í a.m.k. tvö ár um:

- það magn af lífrænum áburði og jarðvegsbæti sem notað er,
- hvenær og hvar lífrænn áburður og jarðvegsbætur voru notaðir á landið,
- þá daga þegar búpeningur er settur á beit á landinu eða þegar landið er slegið til að nota í dýrafóður.

8. gr.

Setning á markað, útflutningur og umflutningur

Setning lífræns áburðar og jarðvegsbætis á markað, útflutningur og umflutningur skal fullnægja kröfunum sem settar eru fram í I. og II. hluta viðaukans.

9. gr.

Eftirlitsráðstafanir

1. Lögbært yfirvald skal gera nauðsynlegar ráðstafanir til að tryggja að farið sé að þessari reglugerð.

2. Lögbært yfirvald skal sinna eftirliti með reglulegu millibili á landi þar sem lífrænn áburður og jarðvegsbætur eru notaðir og sem alidýr geta haft aðgang að.

3. Ef eftirlit, sem lögbært yfirvald sér um, leiðir í ljós að ekki er farið að þessari reglugerð skal lögbæra yfirvaldið grípa til viðeigandi aðgerða.

10. gr.

Gildistaka

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. apríl 2006.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 1. febrúar 2006.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

VIDAUKI

KRÖFUR SEM GILDA UM NOTKUN LÍFRÆNS ÁBURÐAR OG JARÐVEGSBÆTIS Á LAND

I. Varnir gegn sjúkdómsvöldum

Framleiðendur lífræns áburðar og jarðvegsbætis skulu sjá til þess að sjúkdómsvaldar séu hreinsaðir burtu, áður en hann er notaður á land, í samræmi við:

- 10. lið D-liðar I. kafla VII. viðauka við reglugerð (EB) nr. 1774/2002 ef um er að ræða unnið dýraprótein eða unnar afurðir fengnar úr efni í 2. flokki,
- II. kafla VI. viðauka við reglugerð (EB) nr. 1774/2002 ef um er að ræða moltu og lífgassleifar.

II. Þökkun og merking

1. Eftir vinnslu og/eða umbreytingu í samræmi við, eftir því sem við á, 2. mgr. 5. gr. eða 2. mgr. 6. gr. reglugerðar (EB) nr. 1774/2002 skal geyma lífrænan áburð og jarðvegsbæti á viðunandi hátt og flytja í umbúðum.
2. Umbúðirnar skulu merktar á skýran og læsilegan hátt með heiti og heimilisfangi framleiðslustöðvarinnar og áletruninni „lífrænn áburður og jarðvegsbætur/alidýr mega ekki fá aðgang að landi, þar sem hann er notaður, í a.m.k. 21 dag eftir notkunina“.

III. Flutningur

1. Lögbært yfirvald getur ákveðið að beita ekki 1. og 2. lið II. liðar að því er varðar lífrænan áburð og jarðvegsbæti sem eru fluttir og/eða notaðir í sama aðildarríki eða fluttir til og/eða notaðir í öðru aðildarríki ef þar gildir gagnkvæmt samkomulag um slíkt, að því tilskildu að sú ákvörðun skapi ekki hættu fyrir heilbrigði dýra eða lýðheilsu.
2. Á viðskiptaskjalinu, sem fylgir lífrænum áburði og jarðvegsbæti, skal standa „lífrænn áburður og jarðvegsbætur/alidýr mega ekki fá aðgang að landinu, þar sem hann er notaður, í a.m.k. 21 dag eftir notkunina“.
3. Ekki er þörf fyrir viðskiptaskjal ef smásalar dreifa lífrænum áburði og jarðvegsbæti til notenda, annarra en stjórnenda fyrirtækja.

IV. Sérstakar takmarkanir á beit

1. Lögbært yfirvald skal gera allar nauðsynlegar ráðstafanir til að tryggja að alidýr hafi ekki aðgang að landi, þar sem lífrænn áburður og jarðvegsbætur hafa verið notaðir, fyrr en 21 dagur er liðinn frá þeim voru notaðir síðast.
2. Ef meira en 21 dagur er liðinn síðan lífrænn áburður og jarðvegsbætur voru notaðir síðast má leyfa beit eða slá grasið eða aðrar beitarjurtir til notkunar í fõður, að því tilskildu að lögbært yfirvald telji slíkt ekki skapa hættu fyrir heilbrigði dýra eða lýðheilsu.
3. Lögbæru yfirvaldi er heimilt að mæla fyrir um lengra tímabil en tilgreint er í 2. lið þegar beit er bönnuð á grundvelli heilbrigðis dýra eða lýðheilsu.
4. Lögbært yfirvald skal sjá til þess að útbúnar séu reglur um góðar starfsvenjur í landbúnaði og gerðar aðgengilegar öllum þeim sem nota lífrænan áburð og jarðvegsbæti á land, að teknu tilliti til staðháttá.